

四庫全書

子部

欽定四庫全書

子部
醫壘元戎卷七

詳校官太醫院八品吏目臣黃發

編修臣倉聖脈覆勘

總校官編修臣王燕緒

校對官修撰臣吳錫齡

謄錄監生臣王顯晉

欽定四庫全書

醫壘元戎卷七

明 王好古 撰

太陰證 先足經從湯液 後手經從襍例

仲景理中例

仲景理中湯

主治修製並見金匱并傷寒論及諸方雜例

人參 白朮 乾薑 甘草

後本經加減八法 錢氏減乾薑為溫中丸 仲景

甘草乾薑湯

仲景治霍亂改理中丸活人枳實理

中丸

局方消飲丸

理中湯去人參加茯苓為調

中丸亦為調中湯

並見陰陽論

桂枝湯解表四逆湯

溫裏

仲景加桂為人參桂枝湯

活人加青陳皮

治胞膈病名和中湯

許學士蜜和此六味為補脾

丸

虛則補其母未有子富而母貧者也

脾者太陰濕土脾不足陰濕之劑以補之如何用乾薑白朮以燥之是反泄濕也如何是補脾 海藏云

黃芪湯加減陰證論與四物各半湯補氣血本方言
九不及湯海藏云大便溲者宜湯大便結者宜九以
其腸胃燥濕不同也 如何仲景用九以治霍亂泄
瀉理中去參加朴為和中湯

衍義云今人使理中湯倉卒之間多不効者何也是
不知仲景之意為必效之藥蓋用藥之人自有差殊
耳如治胸痺心下痞堅氣結胸滿脅下逆氣搶心理
中湯主之人參白朮乾薑甘草四物等共十二兩水

八升煮取三升每服一升三服以和為度或作丸須
雞子黃大皆可奇效今人使一九如楊梅許服之病
既不去乃曰藥不神非藥之罪用藥之罪也今引以
為例他可效此然年高及素虛人當逐宜加減甘草
飲冷傷胃吐血以理中湯理治中脘分利陰陽安
定血脉只用本方並無血藥在王氏易簡條下楊氏
飲冷瀉血服對金散止亦理中脘分利陰陽安定血
脉之意也飲冷酒過多啖炙燂熱食發衄者理中湯

一料加川芎一兩服之平昔素不飲冷者梔子黃芩湯之類 海藏云楊師三朝三大醉至醒發大渴飲冷水三巨杯次又飲冰茶三碗後病便鮮血四次約一盆先以吳茱萸丸翌日又與平胃五苓各半散三大服血止復白痢又與神應丸四服白痢乃止其安如故或問曰何為不用黃連之類以解毒所用者濕熱之劑予曰若用寒藥其疾大變難療寒毒內傷復用寒藥非其治也況血為寒所凝浸入大腸間而便

下得溫乃行所以用濕熱其血自止經云治本病必求其本此之謂也胃既溫其血不凝而自行各守其鄉也

衍義云有一男子暑月患血痢醫妄用以涼藥逆治專用黃連阿膠木香治之此藥始感便治則可今病久腸虛理不可服踰旬不瘳至委頓故曰理當別藥知是論之誠在醫之通變矣循經則萬無一失引此為例餘皆倣此 海藏云暑月久血痢不用黃連陰在

內也

王氏易簡理中湯

治脾胃不和飲食減少短氣虛羸而復嘔逆或大病
之後胸中有寒時喜咳唾霍亂之後氣虛未禁熱藥
並宜服之

人參

兩一

乾薑

兩一

白朮

兩一

甘草

兩一

右㕮咀每服四錢水一盞煎至六分服為寒氣濕氣
所中者加附子一兩名附子理中湯霍亂吐瀉者加

橘紅青橘各一兩名治中湯乾霍亂心腹作痛先以鹽湯少許頻服候吐出令透即進此藥

嘔吐者於治中湯內加丁香半夏一兩每服生薑十片煎泄瀉者加橘紅茯苓各一兩名補中湯

溇泄不已者於補中湯內更加附子二兩不喜飲水穀不化者再加硝砂仁一兩共成八味 若霍亂吐

下心腹作痛手足逆冷於本方中去白朮加熟附子名四順湯若傷寒結胸先以桔梗枳殼等分煎服不

愈者及諸吐利後胸痞欲絕心膈高起急痛手不可
近者加枳實茯苓各一兩名枳實理中湯 若渴者
再於枳實理中湯內加括蔞根一兩 一法霍亂後
轉筋者理中湯加火煨石膏一兩 一臍上築者腎
氣動也去朮加官桂一兩半醫恐燥故去朮恐作奔
豚故加官桂 悸多者加茯苓一兩 渴欲飲水者
添加朮半兩 若寒者添加乾薑半兩 腹滿去朮
加附子一兩 一法治飲酒過多及啖炙煖熟食發

為鼻衄加川芎一兩 一法專治傷胃吐血以此藥
能理中脘分利陰陽安定血脈只用本方 中附子
毒者亦用本方 或止用甘草乾薑等分煎服仍以
烏豈煎湯解之

韓氏溫中篇

夫傷寒病之說始自皇帝以開其端由至於仲景方
陳其條目自後膚淺之學莫知其數立言者云病在
表可發汗病在裏可下之或云不可汗不可下即未

嘗有溫中之說仲景傷寒論傷寒例云尺寸俱沉細
太陰受病也尺寸俱沉少陰受病也尺寸俱微緩厥
陰受病也又辨太陰證云太陰病脉浮可發汗宜桂
枝湯又自利不渴宜四逆湯又腹滿時痛桂枝芍藥
湯辨少陰證云始得之發熱脉沉麻黃細莘附子湯
又少陰病二三日麻黃附子甘草湯又少陰病身體
痛手足寒骨節痛脉沉附子湯又少陰病吐利手足
厥逆冷煩燥欲死吳茱萸湯又少陰病脉沉急溫之

宜四逆湯今舉仲景論中數條最是治三陰之良法
於今世用之尚有未盡證者愚嘗校量自至和初歲
迄於今三十餘年不以歲之太過不及每夏至以前
有病傷寒人十中七八兩手脉俱沉細數多是胸隔
滿悶或嘔逆或氣寒或腹鳴或腹痛與仲景三陰病
之說脉理同而證不同因茲豈敢妄投仲景治三陰
病藥醫者方見脉沉及胸滿便投藥下之往往不救
嘗斟酌仲景理中丸與服之其病勢輕者即胸中便

快病勢重者半日許滿悶依然或有病人脉沉細遲
投仲景四逆湯溫之多藥力大熱後必發煩躁因校
量此形證今別立方以治之多得病不可不傳焉
病人但兩手脉沉細數或有力或無力或關脉短及
力小胸膈塞閉氣短不能相接者便可隨脉證投溫
中藥以治之

病人兩手脉沉遲或緊或緩皆為胸中寒也若寸脉
短及力小於關尺者此是陰盛陽虛也或胸膈滿悶
腹中脹痛身體拘急手足逆冷宜急溫之若立春以
後至清明以前宜溫中湯主之清明以後至芒種以
前宜橘皮湯主之芒種以後立秋以前宜七物理中
丸主之

溫中湯方

舶上丁香皮

一兩

乾薑

炮二

白朮

二

陳橘皮

二

丁香

分二

厚朴

薑炙去粗皮一兩

右咬咀每服二錢水一盞入葱白三寸荊芥五穗煎

至七分去滓熱服如三兩服未快尚手足逆冷嘔吐
更加舶上丁香皮二分乾薑二分炮

橘皮湯 七物理中湯 厚朴丸 白朮湯

橘葉湯 以上五方並見韓氏微旨及陰證論

仲景七物厚朴湯

厚朴

半斤

甘草

二兩

大黃

二兩

大枳實

五枚

生薑

二兩

大棗

十枚

桂

二兩

右水一斗煎取四升去滓溫服八合日三嘔者加半

夏五兩 下痢者去大黃 寒多者加生薑至半斤

三物厚朴湯

治腹脹
脉數

厚朴

半斤

枳實

五枚

大黃

四兩

右水一斗二升煎二物取五升內大黃四兩再煎取

三升溫服一升腹中轉動更服不動勿服

平胃散

此當在陽明例以其與太陰
相為表裏故列太陰條下

蒼朮

八兩

甘草

三兩

陳皮

五兩

厚朴

五兩

加茯苓丁香白朮為調胃散此藥亦瀉脾濕一法加

霍香半夏 加減數例並見活法 正氣飲續局方

局方平胃散加乾薑為厚朴湯 平胃散此方大

抵治脉緩濕勝中寒者效 溫疫時氣溫毒傷寒頭

痛壯熱加連鬚葱白五寸豆豉三十粒煎三二服微

汗出愈如未得汗以稀粥投之取汗為度若中風自

汗者不宜出汗 五勞七傷脚手心熱煩燥不安肢

節酸痛加柴胡 痰嗽瘧疾加乾薑製半夏 本藏

氣痛加茴香 水氣腫滿加桑白皮 婦人赤白帶

下加黃耆 酒傷加丁香 飲冷傷食加高良薑

滑脫泄瀉加肉豆蔻 風痰四肢沉困加荊芥 腿

膝冷痛加牛膝 渾身拘急及虛壅加地骨皮腿膝

濕痺加兔絲子 白痢加吳茱萸赤痢加黃連 頭

風加藁本 轉筋霍亂加楠木皮 已上佐使止加

一銖此藥不問老幼胎前產後五勞七傷六極八邪

耳鳴眼昏夢泄盜汗四肢浮腫腿膝酸痿婦人宮藏

久冷月脉不調者加官桂若能每空心一服注顏容

容豐肌體調三焦壯筋骨祛冷氣快心胸常助元陽
益真氣健脾飲進食和氣祛痰自然榮衛暢寒暑不
侵此藥去厚朴加防風療四時傷寒極有神效已上
法並用水煎

陶隱居厚朴湯

治心下至
小腹痞滿

厚朴 甘艸 枳實 桂

右為細末生薑水煎

易簡平胃散

治脾胃不和不思飲食心腹脅肋膨脹刺痛口苦無
味胸滿短氣嘔穢惡心噫氣吞酸面色痿黃肌體瘦
弱怠惰嗜卧體重腹痛常多自利或發霍亂及五噎
八痞膈氣反胃並宜治之

蒼朮

八

甘草

三

厚朴

五

陳皮

五

右咬咀每服四錢水一盞半薑五片棗一枚煎至六
分去滓食前服 惟大便秘小便多中不寒者別加
潤劑 常服調元陽暖胃氣化食消痰飲辟風寒冷

濕四時不正之氣 一法加茯苓丁香各三兩共成

六味 治胃寒嘔吐多加生薑煎服 一法若其人

氣不舒快中腕痞塞加硝砂香附子各三兩共八味

生薑煎服其效尤速 一法去蒼朮餘各等分白水

煎服 治酒食所傷眼睛頭面遍身黃色服之神效

一法加草果烏頭各一枚治脾寒痞瘧平胃散與

五苓散相合名對金散與六一散相合名黃白散與

錢氏異攻散相合名調胃散 欲進飲食加神麴麥

藥吳茱萸蜀椒乾薑桂為吳茱萸湯

胃散加減大畧 加藁本桔梗為和解散 加藿香

半夏為不換金正氣散 已上二藥通治傷寒吐利

腸滑者加肉豆蔻 瘧疾寒熱者加柴胡 小腸

氣痛者加苦楝茴香

調胃散

藿香葉 陳皮 甘草 厚朴 半夏 製各等分

右為細末每服三錢生薑水煎

調胃丸 已上調胃散細末薑糊丸梧桐子大生薑湯

下三十九

肉應散

治胸膈不快腹痛
下痢不嗜飲食

青皮

去白
二錢

生薑

一錢

乾薑

炮二錢

陳皮

去白
一錢

甘草

炙二錢

右作一服入棗二枚水煎服之

易簡養胃湯

治外感風寒內傷生冷增寒壯熱頭疼目昏肢體拘
急不問風寒二證並宜服之先用厚被蓋睡連進此

藥數服加以薄粥熱湯之類佐之令四肢微汗澀澀然候乾則徐徐去被謹避外風自然解散若先自出汗亦須溫潤以和解之或有餘熱則以參蘇飲欸欸調之或尚頭痛則以濃煎生薑湯加葱白下聖餅子二證既除則不必服藥但節其飲食適其寒溫自然平復大抵感冒古人不敢輕易用發汗者止緣麻黃能開腠理用或不得其宜則導泄真氣因而致虛變生他證此藥乃和平之劑止能溫中解表而已初不

致於妄擾也兼能辟山嵐瘴氣四時溫疫或飲食傷脾發於咳瘧或中脘虛寒嘔逆惡心悉能治療

厚朴 蒼朮 半夏 各半兩 甘草 一分 茯苓 人參

藿香 各半兩

橘皮 去白五分 草果子 半兩

右咬咀每服四錢水一盞半生薑七片烏梅一個煎至六分去滓熱服或發寒瘧或感寒疫及惡寒者並加附子足為十味不換金散藿香止氣散皆此藥也然不若此方大備

易簡滲濕湯

治寒濕所傷身重腰冷如坐水中小便或澀或利大便澹泄皆因坐濕處或因雨露所襲或因汗出衣裏冷濕久久得之腰下重疼兩腳酸痛腿膝或腫小便利及不渴悉能治之

蒼朮

一兩

甘草

一兩

乾薑

一兩

白朮

一兩

茯苓

一兩

橘紅

一分

丁香

一分

右咬咀每服四錢水一盞半生薑三片棗一枚煎至

六分去滓溫服 此藥兼治脾胃不和嘔逆惡心大便時時溏泄尤得其宜 一方加橘紅丁香名腎着湯腰重而疼者大宜服此 或不因濕氣所傷止是風寒相搏以致腰疼宜服生料五積散加桃仁數箇煎服若腎虛致疼當服補藥

活人厚朴黃連香薷湯

治陰陽不順清濁相干氣射中焦名為霍亂或飽食豚膾復飲醪漿海陸諸品無不食之或多飲冷或卧

當風痛傷脾胃食結不消陽不能降陰不能升二氣相反交錯不通所以變成吐利也百脉昏亂榮衛俱虛冷搏於筋轉筋注下

厚朴

製二兩

黃連

二兩

香茹穗

一兩五錢

右厚朴黃連二味入生薑四兩同炒紫色杵為細末與香茹同煎每服三大錢水一盞酒半盞同煎至七分去滓用新汲水浸換極冷頓服之冷則效速煎時不犯銅鐵器慢火熬非時病者亦治井中沉冷者尤

妙

局方香薷丸

香薷散

二藥主療修製並見本方

錢氏異功散

人參

陳皮

甘草

茯苓

白朮

四君子湯

錢氏異功散內減陳皮餘四味是也

四君子湯

人參

甘草

白茯苓

砂仁

右方在四物八珍湯後

易簡四君子湯

治大人小兒脾胃不和中脘停飲大病之後宜服此藥但味甘恐非快脾之劑增損之法見於方後

人參

兩一

茯苓

兩一

白朮

兩一

甘草

錢五

右咬咀水一盞薑七片棗一枚煎至六分去滓服

一方加橘紅等分名異功散尤宜病後調理

一方去人參加官桂等分甘草等減半名甘草湯治

停飲目眩 一方去甘草加枳殼橘紅半夏等分名
六君子湯專治素有痰飲胸膈痞滿脾胃虛寒不嗜
飲食服燥藥不得者大宜服之 一方去甘草加木
香熟附名加味四柱飲治丈夫元藏氣虛真陽耗散
兩耳常鳴臍腹冷痛頭眩目暈四肢倦怠小便數滑
泄瀉不止加薑棗煎服大痛之後尤宜用此調理
一方加黃芪白匾豆等分大治腸風並五痔下血面
色痿黃 耳鳴脚軟力乏口淡無味薑棗煎服礮

為細末尤佳 此方人未之信服者頗效李次仲云
看不在面自有奇功

易簡怪怪散

治小兒風寒瘡疹傷風時氣頭痛壯熱目澀多睡咳
嗽氣麤臭寒清涕

白朮 桔梗 細辛 瓜蒌仁 甘草

茯苓 人參

右咬咀每服二錢水一盞生薑三片入薄荷三葉煎

至半盞時時與服錢氏方小兒壯熱昏睡傷風風熱
瘡疹傷食皆相似未能辨認間服惺惺散小柴胡湯
升麻湯用乾葛升麻芍藥甘草等分白朮煎服此數
藥均能治療用之甚驗惟傷食則大便酸臭水穀不
化畏食吐食宜以藥下之加巴豆感應丸并參蘇飲
治諸般發熱尤為切當并耳冷翕冷手足乍冷乍熱
面赤噴嚏驚跳不安皆瘡疹之候也已發未發升麻
湯消毒飲皆得其宜若三日未見形跡當以生酒塗

其身上時時看之狀如蚤痕者是也或發不透或倒
壓黑陷極為利害紫草木通甘草桔梗等分白水煎
服之名曰如聖散更有小兒頭昏頰赤口內熱氣小
便赤澁大便秘結此為裏熱當用大黃當歸芍藥甘
草等分白水煎服名四順飲若審是瘡疹之證不宜
用此

易簡白朮散

治小兒泄瀉胃熱煩渴不問陰陽並宜服之

人參 藿香 甘草 乾葛 木香 茯苓

白朮 各一兩

右咬咀每服二錢水一盞煎至半盞量大小與服仍用香連九間之渴欲飲水者時時煎服任意飲之彌多彌佳

白朮散 一方治嘔

白朮 一兩 人參 一兩 半夏 一兩 乾薑 半兩

甘草 半兩 茯苓 半兩 薑棗煎服

錢氏方謂小兒吐瀉當溫補之每用理中丸以溫其中
五苓散以導其遂連進數服兼用四君子加陳皮調
之若以虛損用金液丹雜以青州白丸子為末米飲
調服多服乃有效吐瀉之後發熱必作驚風二藥服
之累有神效若胃氣已生則旋減金液丹却以異功
散等藥徐徐調之若食不消脾胃虛寒嘔吐惡心者
當服益黃散用陳皮半夏青皮訶子肉甘草各一分
丁香一錢量大小煎服小兒暑月吐瀉其證不一詳

審用藥不可差謬 有伏暑者小便必不利宜五苓

散香茹散 有傷食其吐并糞必酸臭氣宜服感應

丸 若虛冷者泄瀉必多宜服六神散加附子服之

用人參茯苓山藥白朮白扁豆甘草等分薑棗煎服

風證加天麻 痢者加罌粟殼 吐瀉初定當以

天南星為細末每服和冬瓜子七粒煎服以防變痢

若瀉色青當用驚藥小兒之病與大人無異用藥一

同當量力用之惟中惡癘風夜啼重舌變蒸客忤驚

痼解顱魑病疴氣不行數證大人無之並見錢氏方
半夏湯 後有小七氣湯

人參 白朮 甘草 桂 半夏 茯苓 附子

易簡四獸飲

治五臟氣虛喜怒不節勞役兼致陰陽相勝結聚涎
飲與胃氣相搏發於瘡疾悉能主之兼治瘴瘧最有
神效

人參 白朮 甘草 草果 半夏 茯苓

橘紅 各等分

右同棗子烏梅生薑煎等分咬咀以鹽少許淹食頃厚皮紙裏用水濕之慢火炮令香熟焙乾每服半兩水二盞煎至六分去滓未發前連進數服 一方治

脾寒名快脾飲用草果人參白朮橘紅半夏厚朴確砂仁附子等分甘草減半每服四錢薑十片烏梅一箇棗子一枚煎至六分去滓不以時候服用此藥下紅丸子尤妙 兼治脾胃虛弱中脘停塞不進飲食

四肢無力並熱多痰飲風飲用前胡柴胡各一兩官
桂桔梗厚朴各三分黃耆甘草乾薑各半兩右咬咀
每服四錢水一盞半生薑五片棗二箇煎至六分去
滓熱服 一方名七寶散用常山陳皮青皮檳榔草
果仁甘草各等分每服半兩酒水各一盞煎至八分
於當發日侵晨服之此藥既有常山必須吐人而後
愈當日大作世謂劫藥是也虛怯人不宜服此脾胃
素虛寒者用小附子一隻炮以鹽浸再炮再浸如此

七次去皮切作片用水二盞薑七片棗七箇煎至七分當發日空心溫服名七棗湯 瘡疾多因中脘有

飲用常山作效者以其能吐之不若用辰砂黃丹輩墜之為佳 其方用黃丹一兩大蒜去皮碾膏丸作

三九當發日臨晨嚼一九用井花水或熱水嚥下一法用生硫黃辰砂各為細末寒多倍硫黃熱多倍辰砂寒熱等者勻用每服三錢臘茶清調服臨發日早晨進之當日或作或不作皆是其效須早用之為佳

易簡斷下湯

治下痢赤白無
問新久長幼

白朮

半錢

茯苓

半錢

甘草

半錢

草果

連皮
一兩

右咬咀用罌粟殼十四枚去筋膜并萼蒂剪碎用醋淹為麤末同煎作一劑水一大碗薑七片棗子烏梅各七箇煎至一大盞分二服服之赤痢者加烏豆二粒白痢者加乾薑半錢用罌粟殼治痢服之如神但性緊澁服之令人嘔逆既用酸製加烏梅不致為害然嘔逆吐人則不可服大率痢疾古方謂之滯下多

因腸胃素有積滯而成此疾始得之時不可遽止先以巴豆感應九十餘粒用白梅茶下令大便微利仍以前藥服之無不應手而效若脾胃素弱用肉豆蔻橘紅罌粟殼各等分為末醋煮米糊為丸桐子大每服五十丸烏梅湯下兼治泄瀉暴下不止一服即愈更令藥力相倍為佳如覺惡心却以理中湯四君子湯加豆蔻木香輩調其胃氣仍以二陳湯水煮木香丸定其嘔逆 大凡痢疾乃腹心之患尊年人尤非

所宜若果首尾用平和之劑決難作效必致危篤雖已欲服此則已晚矣其如地榆秦皮黃蘗若木桐之類其性苦寒却難輕服血痢當服胃風湯并膠艾湯之類血者宜服附子理中湯震靈丹之屬更宜審而用之若五色雜下泄瀉無時當用熟烏頭一兩厚朴甘草乾薑各一分生薑煎服今人治痢多用駐車丸黃連阿膠丸之類其中止有黃連阿膠其性本冷若所感稍輕及餘痢休息不已則服之彌效

若病稍重非此可療若謂其穩當則悠悠服之乃自取困頓也

海藏黃耆湯

主治並見陰證畧例

本方無藿香治三焦氣虛自汗

人參 白朮 黃耆 白芍 茯苓 甘草

陳皮 藿香 乾生薑

黃耆湯與四物湯各半名托裏湯 加桂名十全散

本方去茯苓加川芎當歸名黃耆解肌湯 去芍

藥加白扁豆為君子湯加藿香葉以理氣此即補脾湯也

錢氏白朮散 和中散

養脾丸

人參

一兩

白朮

半兩

乾薑

炮二兩

硝砂仁

二兩

甘草

一兩半

茯苓

一兩

麥蘖麩

二兩

右為細末煉蜜丸彈子大細嚼生薑湯下

調中人參湯

人參

半兩

木香

二錢二分

茯苓

半錢

葛根麴

一兩

甘草

二錢二分

藿香

一錢三分煉淨

兼治酒毒加白朮一味

右為麤末生薑水煎如細末生薑點服

解酒毒例

葛華湯

治酒之仙藥

葛根麴

小豆花

藿香葉

白豆蔻

益智子

硝砂仁

香附子

車前子

葛花

葛葉

白檀

木香

丁香

沉香

橙皮

陳皮

薑屑

官桂

白朮

澤瀉

茯苓

甘草

人參

各等分

右為細末湯點服酒調亦得薑糊丸桐子大酒下之
亦得

橙香丸一名萬杯丸

木香

二錢

白檀

白豆蔻

三十枚

益智子

三十枚

橙皮

一兩

葛麵

一兩

硝砂仁

三十枚

橘紅

一兩半

甘草

兩半

沉香

二錢

生薑

四兩切破鹽淹一宿
晒乾或焙乾秤五錢

右為細末水浸蒸餅為丸桐子大細嚼一二十丸白湯下或減甘草用甘草膏子丸

不醉丹

白葛花

天門冬

白茯苓

牡丹莖

小豆花

硝砂仁

葛根

官桂

甘草

海鹽

木香

澤瀉

人參

陳皮

枸杞

右為細末煉蜜丸彈子大每服一九細嚼熱酒下一

九可飲十盞十九可飲百盞

百杯丸

硝砂仁

一两

高茶

一两

訶子

一箇

麝香

一錢

腦子

少許

右為細末煉蜜丸每一兩作一十九丸未飲酒先細嚼

一九酒下

局方勻氣散

丁香

藿香

甘草

白豆蔻

木香

檀香

硝砂

等分為末
白湯調服

集香丸

海藏云損其氣
者以此藥接之

白豆蔻

砂仁

藿香葉

白茯苓

丁香

白檀

沉香

益智

烏藥

陳皮

甘草

人參

一法噎食加柿霜一法加廣茂一法加香附子一法

加乾薑隨證定奪分兩為末點服

局方七香丸

主治修製
並見本方

丁香 廣茂 益智 砂仁 木香 甘松

甘草 香附子

五膈寬中散

主治修製
並見本方

白豆蔻 砂仁 香附子 陳皮 丁香 青皮

甘草 木香 丁香

分兩依
上文

烏沉湯

主治修製
並見局方

沉香 烏藥 甘草 人參

小烏沉湯

主治修製
並見局方

調中快氣治心腹刺痛

香附子

二兩

烏藥

一兩

甘草

一分

右為細末薑湯點服

益脾丸一名三花丸

飲酒不醉當
在不醉九下

小豆花

一兩

菜豆花

半兩

葛花

二兩

木香

二錢半

一法加紅花二錢半右為細末蜜丸桐子大每服十丸煎紅花湯下夜飲津液下三五七丸不醉

東垣先生治飲酒心下痞三製三黃丸

黃芩

去枯心酒浸一半火炒一半生用一半

右三停分兩細末糊為丸桐子大每服三十九溫水下量輕重加減治熱酒所傷若傷冷酒則下神應丸主之

七香丸

治脉伏不見心腹痛欲死者

木香

兩半

丁香

兩半

乳香

兩半

藿香

兩半

沉香

檀香

各半兩

人參

二錢半

栝榔

二錢半

零陵香

兩半

右為細末蜜丸桐子大量數目細嚼米飲下

大七香丸

砂仁

半 二兩

香附

錢一兩八分

甘草

麥蘖

炒一兩

橘紅

半 二兩

藿香

半 二兩

肉桂

半 二兩

丁香

二錢

甘松

右同為細末煉蜜丸如桐子大每服三十九丸每一兩分作八九丸亦可每服一丸細嚼湯酒任下

集香丸

硝砂仁

兩 半

丁香

半 二錢

木香

半 三錢

甘松

五錢

香附子

半 一兩

白檀

半 二錢

蓬朮

半 三錢

甘草

半 七錢

白豆蔻

半 三錢

丁香

兩 半

廣茂

半 三錢

沉香

半 三錢

麥蘖

錢七

益智

半 二錢

一方加神麴

右為末薑汁浸蒸餅丸如鷄頭大細嚼下

水香餅子

與前集香丸俱能寬中理氣消酒逐痰飲進美飲食

香附子

炒

川芎

兩 一

朮香

吳白芷

甘松

甘草

半 一兩

砂仁

兩 一

薑黃

焙洗

桂

一兩 去皮

右為細末水浸蒸餅為丸生薑白湯任下十餅至十
五餅

易簡蘇合香丸

主治修製之法並見局方

白朮

丁香

硃砂

白檀

沉香

烏犀

萆撥

龍腦

麝香

蘇合油

青木香

安息香

薰陸香

香附子

訶黎勒子

右每服一大丸沸湯少許化服治卒中昏不知人及

霍亂吐瀉心腹撮痛鬼疰客忤癰痼驚怖或顛撲傷損氣暈欲絕凡是倉卒之患悉皆療之此藥隨身不可暫闕辟諸惡氣併禦山嵐瘴氣無以踰此若弔喪問疾尤不可無但市肆所賣多用腦子當用火上辟去能飲者以酒調服當用心過度夜睡不安尤宜服之功效最捷筆舌難窮

木香餅子

丁香

二錢半

木香

四兩半

硝砂仁

十二兩

廣茂

十二兩

檀香

四兩

甘松

五兩
水洗

右為細末甘草膏九每兩作二百五十九捏作餅子

丁沉煎丸

丁香

一兩
一錢

丁皮

一錢

白豆蔻

九錢
半

木香

一錢
半

沉香

二錢

為末薑糊丸桐子大酒下二十九

沉香降氣湯

治脅下支結脾
泄瀉泄脚氣

沉香

一兩八錢
半

砂仁

四兩
八錢

甘草

十二兩

香附

四十兩

右為細末每服一錢入鹽少許沸湯點服已上三味
通治凌晨霧露之氣去惡邪諸瘴治酒尤佳

調中沉香湯

沉香

一兩

木香

一兩

麝香

五分

甘草

二錢半

龍腦

二錢研

白豆蔻

一兩

右為細末龍腦和勻沸湯點服半錢入生薑一片鹽
少許

金匱下痢病脉證并治

後代名醫諸書所說者皆以此為法 夫六腑氣絕
於外者手足寒上氣腳縮五臟氣絕於內者痢不禁
不甚者手足不仁 下痢脉沉弦者下重脉大者為
末止脉微弱數為欲自止雖然發熱不死下痢手足
厥冷無脉者灸之不溫若脉不還反微而喘者死少
陰跌陽調者為順也 下痢有微熱而渴脉弱者當
自愈 下痢脉數有微汗出今當自愈設脉緊為未
解 下痢脉數而渴者當自愈設不解者必清膿血

以有熱也 下痢脉反弦發熱自汗者自愈 下痢

氣者當利小便下痢脉反浮數尺中自濡者必清膿

血 下痢清穀不可攻其表汗出必脹滿 下痢脉

沉而遲其人面少赤身微熱 下痢清穀者必鬱冒

汗出而解 病人必微厥所以然者其面帶陽下虛

故也 下痢後脉絕手足厥冷時時脉還手足溫者

生脉不還者死 下痢腹脹滿身體疼痛者必溫其

裏後攻其表溫裏宜四逆湯攻表宜桂枝湯

四逆湯見上

桂枝湯方

桂枝

去皮
三兩

芍藥

三兩

大棗

十二
枚 劈

生薑

三兩
切

甘草

二兩
炙

右咬咀以水七升煮取三升去滓溫服一升須臾飲
熱稀粥一升餘以助藥力取微汗

下痢三部皆平按之心下堅者急下之宜大承氣

方見
陽明

病
中

下痢脈遲而滑者實也利未止急下之宜大承氣湯

下痢脉反滑當有所去下乃愈宜大承氣湯

下痢瘥至半月日時復發者以病不盡故也當下之大承氣湯以上數承氣湯本虛者當以別議

下痢譫語者有燥屎故也小承氣湯主之方

大黃

四兩

枳實

三枚

厚朴

三兩

右咬咀以水四升煮成一升二合去粗分溫再服一服譫語止若更衣者停後服

下痢便膿血者桃花湯主之方

赤石脂

一升半完
用末半用

乾薑

二兩
切

粳米

一升

右三味以水七升煮米熟去滓溫取七合內赤石脂末一方寸匕日再服若一服愈餘勿服

熱痢下重者白頭翁湯主之方

白頭翁

二兩

黃連

黃蘗

秦皮

各二兩

右四味以水七升煮取一升去滓每服一升不愈更服

下痢後更頓按之心下濡者為虛煩也梔子豉湯主之

方

肥梔子

一十四枚

杏鼓

四兩

右二味以水四升煮梔子取二升半內鼓煮取一升去滓分再服溫進一服得快吐止後服

下痢清穀裏寒外熱汗出而厥者通脈四逆湯主之方

甘草

二兩

乾薑

三兩強人可四兩

附子

大小一枚

右三味咬咀以水三升煮取一升二合去滓分溫再服其脉即出者愈

下痢腹痛紫參湯主之方

紫參

半兩

甘草

二兩

右二味㕮咀水五升先煮紫參取二升內甘草煮一

升半去滓分溫三服

疑非仲景方

主氣痢訶黎勒散方

右一味細末粥飲和頓服

疑非仲景方

大便不通噦數譟語小承氣湯主之

方見千金翼

乾嘔下痢黃芩湯主之方

玉函經云人參黃芩湯

人參

三兩

黃芩

三兩

大棗

十二枚
劈

乾薑

三兩

桂枝

去皮
二兩

右六味咬咀以水七升煮取三升去滓溫分三服見

外臺

右此下痢一章內有治傷寒數方仲景用治雜病今
全錄之使後人知云治傷寒有法治雜病有方者非
也傷寒雜病同一治法矣

當在太陰下卷
後今錄於此

王朝奉治喘例

夫喘者麻黃湯表證也小青龍湯挾水證也然麻黃湯主喘也太陽證下之喘者表證未解桂枝加厚朴杏仁湯喘家用桂枝湯加厚朴杏仁亦佳發汗下後不可更行桂枝若汗出而喘無大熱者可用麻黃杏仁甘草石膏湯太陰桂枝證醫反下之麻不止脉促者表未解喘而出汗者葛根黃芩黃連湯

活人舉華佗喘說

活人舉華佗云喘者肺氣有餘也梔子黃芩湯主之

經云帝曰人有逆氣不得卧而息有音者有不得卧而息無音者有起居如故而息有音者又有得卧而行喘者有不得卧不能行而喘者有不得卧而喘者皆何臟使然願聞其故岐伯曰不得卧而息有音者是何陽明之逆也足三陽者不行今逆而上行故息有音也陽明者胃脉也胃者五臟之海也其氣亦不行陽明逆而不得從其道故不得卧也胃不和則卧不安此之謂也夫起居如故而息有音者此肺氣之脉絡

逆也脉絡不得隨經上下故留經而不行脉絡之病人也微起居如故而息有音也夫不得卧卧則喘者是承氣之客也夫水者循津液而衍流也腎者水臟主津液主卧與喘也帝曰善

前太陽門麻黃升麻湯壞證藥後有王朝奉傷寒喘例諸喘皆屬於上當在手太陽例然內經云五臟皆有喘故例在此後

經曰驚恐喜怒勞動靜皆為之變喘是以夜行則喘出

於腎滯氣於肺故有墮恐喘出於肺滯氣傷脾有所驚恐喘於肺滯氣傷心度水跌仆喘出於腎與骨當是之時勇者氣行則以怯者着而病也故動靜勇怯皆能成疾形志苦樂各有受病不可不知

聖惠方治十種水氣喘滿不得卧

右螻蛄五個曝乾為末米飲調下半錢至一錢小便通快為便


潔古老人方

右用蜚蛄去頭尾與蒲菊心同搗露七日曝乾為末
澹酒調下暑月溫用尤佳

喘饑脾胃虛調飲食持重少血飽氣滯久勞飲食勞傷
則主脾主氣不及接行動而火上行卧氣上衝不下
水飲也

諸病喘嘔皆屬於上諸病吐呃皆屬於中諸病下痢皆
屬於脾諸病腫滿皆屬於濕故手足太陰病手足陽
明病嘔吐喘促傷胃虛實寒熱傷寒雜病俱混說於

太陰條下



醫壘元戎卷七

欽定四庫全書

子部

醫壘元戎卷八

詳校官八醫院審官臣姜晟

編修臣倉聖脈覆勘

總校官編修臣

王燕緒

校對官修撰臣

吳錫齡

謄錄監生臣

沈連標

欽定四庫全書

醫壘元戎卷八

大陰證

明 王好古 撰

草豆蔻散

食前服思食
食後服消食

草豆蔻

麵裹煨熟取藥
去皮用仁二兩

乾木瓜

一兩半
去鬲子

硝砂仁

兩

薑屑

三錢

甘草

三錢

益智仁

三錢
半

陳皮

三錢

鹽

炒三錢

右一法加神麴一兩麥蘖七錢半一法加烏梅肉三

錢

局方草豆蔻散

主治修製
並見本方

草豆蔻丸

王海
藏云

右以草豆蔻為細末生薑汁打糊為丸桐子大每服
二三十丸米飲下嚼服亦得

易簡縮脾湯

解伏熱除煩消暑毒上吐下利霍亂之後服熱藥過

多煩燥宜服之

草果

四兩

烏梅

四兩

硝砂仁

四兩

乾薑

二兩

甘草

四兩

右咬咀每服五錢水一碗生薑十片煎八分以熱水浸冷極冷旋旋服之一方治尊年人加附子一兩一方加炒白扁豆二兩暑月多以此代熱水飲之極妙若傷暑頭痛發熱宜用此下消暑九若因飲食生冷過多至霍亂吐瀉者宜用此先以治中湯二陳湯之

類煎服煩燥甚者方以浸冷香茹湯服之自然平治
今人往往屬香薷飲之證才見霍亂遽爾投之殊不
知夏月伏陰在內因食生冷以致霍亂豈可投以浸
冷之藥故合先治中脘方以此藥解其煩燥不可不
知若飲水過多小便赤澀當服五苓散若盛夏於
道塗間為暑氣所悶倒不省人事急投在陰涼之處
切不可與冷水以布中衣物等蘸熱湯慰臍下及丹
田氣海及續以湯淋臍上令徹臍腹溫暖即漸甦醒

若商賈及傭雇之人倉猝無湯掬路中熱土於臍上撥開作竅令溺其中並以大蒜爛研以水調灌下一法用道中熱土急爛碾冷水調服仍以蒜少許置鼻中氣透則蘇續以白虎湯竹葉石膏湯之類凡覺中暑者急嚼生薑一大塊冷水咽下暑氣中人慎不可以冷水亦不宜單以冷水灌之來復丹消暑丸皆可用也

橙皮丸

調中順氣
生津止渴

烏梅肉

兩

白朮

兩半

木瓜

兩

乾生薑

二錢二分

白茯苓

兩半

橙皮

兩半

沉香

兩半

糖霜

兩

右為細末煉蜜為丸每兩作二十五丸欲作湯水用

水化開寒熱溫涼任意飲之噙化亦可

法製陳皮消食化氣寬利胸膈

烏梅肉

兩半

白檀

二錢半

茴香

二兩

甘草

二兩

乾生薑

兩半

青鹽

一兩

陳皮

四兩半去白取切細末

右件除陳皮外並為細末用水一碗藥末三兩同陳

皮一處慢火煑候陳皮極軟控乾少時別用乾藥拌勻焙乾每用不以多少細嚼嚥下無時

薑掬丸

此方與衍義同治下之後不能食食後必胞痞常服益氣消食 衍義有陳皮

薑屑 麥蘖 神麴末

炒各等分

右麴糊為丸桐子大米飲湯下三十丸

御方思食丸

並見活法

神麴

一兩

木瓜

半兩

烏梅肉

二兩

麥蘖

一兩

桂

半兩

人參

半兩

乾生薑

二錢

茯苓

半兩

甘草

七錢

右為細末蜜丸每兩作十丸

熱則泄肝膽

口苦舌乾

柴胡

烏梅

寒則補脾胃

思食丸

木香

一錢

沉香

三錢

半夏麴

五錢

麥蘖

一兩

陳皮

五錢

烏藥

三錢

檳榔

二錢

人參

三錢

白朮

五錢

右件為細末煉蜜九桐子大每服三十九米飲下
一法有烏梅肉神麴麥蘖乾生薑為細末蜜九

蘭省香爛飯丸

丁香

錢三

沉香

錢二

木香

錢二

益智

兩半

神麴

錢三

麥蘖

兩半

白檀

錢二

三稜

錢三

陳皮

錢二

青皮

錢三

甘松

兩一

藿香

錢二

甘草

兩一

廣茂

兩半

香附

兩一

碓砂仁

兩半

右為細末蒸餅丸

大生薑丸

補脾胃治口苦舌乾中脘不和脹滿嘔吐食不化酒

病翻胃

人參

兩一

良薑

兩一

丁皮

兩一

桂心

兩一

丁香

兩半

桔梗

兩半

川芎

兩半

白朮

兩半

嘔噦一條本出於胃當例陽明條下以其脾病連及於胃若食生冷硬物先入胃次傳脾所以中州之病並稱之曰脾胃故叔和云脾藏象中坤安和對胃門

後又云二斤十四兩三斗五升存是為脾連及於胃也戊與巳合何嘗有二哉今此嘔噦諸証湯丸等劑雖屬於胃姑例於太陰條下古人交經用藥何嘗相離

王朝奉嘔論

嘔者病源云熱在脾胃也胃家虛冷亦嘔也噦者胃家虛冷也又病人本虛伏熱在胃則胃滿故冷氣逆故噦 傷寒證桂枝證小柴胡證合病葛根加半夏

證黃芩加半夏證小青龍證四逆證真武證梔子等
湯證皆有嘔各自主治然小柴胡湯專主嘔也嘔而
發熱者小柴胡也嘔而脘滿者吳茱萸湯乾嘔吐涎
沫者吳茱萸湯金匱諸嘔吐穀不得下者小半夏湯
去茯苓胸中似喘不喘似嘔不嘔似噦不噦徹心潰
然無奈者生薑汁半夏湯噦逆陳皮竹茹湯乾嘔而
利者黃芩加半夏生薑湯嘔噦手足逆冷者小陳皮
湯嘔噦胸滿虛煩不安大橘皮湯

仲景云傷寒咳逆脉散者死成注云火刑肺金也朱奉議以噦者為咳逆非也噦胃也非咳逆可知 奉議

小半夏茯苓湯生薑煎小半夏橘皮湯生薑煎汁半
夏湯橘皮湯陳皮生薑二味煎

大橘皮湯

理氣
調中

陳皮

二錢

甘草

二錢

人參

半兩

生薑

二錢

右咬咀分作二服水煎服之

橘皮青竹茹湯

陳皮

錢二

竹茹

錢三

人參

錢二半

甘草

錢二

右作三服薑煎

溫中丸

治脾胃寒嘔吐
咳嗽自利

半夏

湯泡

乾薑

等分

右為細末生薑和汁丸桐子大每服二十九丸木瓜湯

下薑湯亦可

海臟橘皮茯苓生薑湯

治咳逆解酒
毒止嘔吐

陳皮

兩一

炙草

錢三

生薑

錢三

茯苓

兩半

一法加葛根神麴半夏咬咀煎服

活人治嘔噦手足逆薑橘湯

橘皮 生薑

活人大半夏湯

治痰飲脾胃不和

半夏 生薑 茯苓

右為麤末水煎如熱疾加炙甘草脾胃不和加陳皮

活人半夏生薑湯

治嘔飲絕

半夏 生薑 二味同煎服

桔梗半夏湯

治冷熱不合胸痞滿痰涎不利氣逆嘔噦

桔梗 半夏

陳皮 各等分

右為粗末水煎細末薑糊丸亦可

活人橘皮竹茹湯

治嘔逆

陳皮 竹茹 人參 甘草 各等分

右剉薑棗煎服

大橘皮湯

治動氣在上不可下食則吐隨證加減

陳皮 人參 甘草 生薑 棗 竹茹

右咬咀水煎

橘皮半夏湯

治積氣痰痞不下
飲食嘔吐不止

陳皮

一兩

半夏

二兩

生薑

一兩半

右咬咀水五盞煎至二大盞去滓分三服食後臨卧服之

半夏茯苓陳皮湯

消飲止嘔
和中順氣

茯苓

半夏

炮

陳皮

去白

生薑

各一錢半

右咬咀水二盞半煎一盞去滓臨卧溫呷之

易簡二陳湯

治痰飲為患或嘔吐惡心或頭眩心悸或中脘不快或發為寒熱或因食生冷脾胃不和並宜服之

陳皮

去白五兩

半夏

五兩

茯苓

三兩

甘草

右咬咀每服四錢水一盞半薑七片烏梅一箇煎至六分去滓熱服無時傷寒後不敢進燥藥者亦宜服

餌如痞疾加草果一兩半下紅丸子如因酒食所傷
發為黃疸亦宜用此二藥嘔吐甚者加丁香並服半
硫丸一法仍用半夏為末每一兩入丁香一錢旋以
生薑自然汁丸如桐子大先以湯二盞煎沸次下丸
子藥煮令極熱以匙桃服用藥汁嚥下更服養正丹
或來復丹黑錫丹之類俟大便利即愈如妊婦惡阻
古方用茯苓半夏湯服者病反增劇不若用此藥極
有神驗一方名枳實半夏湯治痰飲停留胸膈痞悶

或咳嗽氣寒頭目昏重喘嘔惡心項背拘急半夏陳
皮各一兩枳實減半加生薑煎服一方名丁香茯苓
湯治久積陳寒流滯腸胃嘔吐痰沫或有酸水全不
思食用木香丁香乾薑附子半夏橘皮肉桂硝砂仁
等分加生薑煎服一方名曰白朮半夏湯治脾虛停
飲痰逆惡心中脘刺痛腹脅攪痛頭目昏暈肢節倦
怠不思飲食用白朮丁香赤茯苓各一兩半夏六兩
肉桂半兩陳皮二兩半亦加生薑煎服生薑乃嘔家

聖凡嘔吐宜多用之為佳

易簡四七湯

治喜怒悲思驚恐憂之氣結成痰涎狀如破絮或如梅核在咽喉之間咯不出咽不下此七情之氣所為也或中脘痞滿氣不舒快或痰涎壅盛上氣喘急或因痰飲中節嘔逆惡心並宜服之

半夏

五兩

茯苓

四兩

厚朴

三兩

紫蘇葉

二兩

右㕮咀每服四兩水一盞半薑七片棗一枚煎至六

分去滓熱服無時若因思慮過度陰陽不分清濁相干小便白濁用此藥下青州白丸子最為功當婦人惡阻尤宜服之一名厚朴半夏湯一名大七氣湯局方七氣湯有半夏五兩人參甘草官桂各一兩生薑煎服大治七氣並心腹絞痛然藥味大懋恐未能止疼順氣一方治七氣所傷中腕不快氣不升降腹脅脹滿用香附子炒半斤橘紅六兩甘草一兩煎服尤妙好事者謂其耗氣則不然蓋有此病服此藥也

赤茯苓湯

順氣消疾止嘔調中益氣補胃祛濕

陳皮 半夏 川芎 人參 白朮 赤茯苓

右為粗末薑水煎服

衍義有人曾患氣嗽將期或教以服陳皮生薑焙乾
神麴等分為末糊丸桐子大食後臨睡服三十九丸
飲湯下舊有膀胱疾自此皆愈

乳和薑皮湯

治赤白下
痢神驗

陳皮一兩 薑屑三錢

右二味用牛乳一大盞和藥煎熟去滓入生牛乳一

半頓服

溫胃和痰丸

治中寒停飲胸膈痞塞痰涎

半夏三兩洗 橘皮去白二兩

乾薑炮二兩

白朮二兩

右為細末薑汁糊丸桐子大每服二十九薑湯下無

時

大橘皮丸

趙十一郎家製之

陳皮

去白

茯苓

甘草

鹽淹薑

葛根麴

右細末煉蜜九彈子大細嚼白湯下

小七氣湯

當在大半夏湯條下

治虛冷上氣喘塞不通

半夏

六錢洗

桂心

一錢

人參

一錢

生薑

半兩

右㕮咀水四盞煎至二盞去滓三服相繼服無時

活人小半夏加茯苓湯

治諸嘔噦心下堅滿膈間有痰火心悸

半夏

五兩湯洗七次

茯苓

去皮三兩

右剉如麻豆大每服半兩水三盞煎至一盞秤生薑

四錢取自然汁投藥中更煎三兩沸熱服無時

青龍散

治咳嗽上氣不卧

人參 陳皮 紫蘇葉 五味子

右細末每服三錢水一盞薑五片煎至七分去滓溫

服

活人橘皮湯

治傷暑疾逆惡寒

陳皮 甘草 人參

右為麤末竹茹生薑棗煎如不惡寒者加竹葉

玉液丸

玉芝丸

主治修製
並見局方

文潞公生犀丸 並見藥準

易簡消暑丸 見腧證附

局方玉壺丸

主治修製並見
本方易老加

黃名水藁
金花丸

治頭風口眼喎斜及風痰等證並見活法機要

南星 半夏 天麻 白麴

辰砂化痰丸

主治修製並見局方

辰砂 南星 白礬 半夏

易老水奠金花丸

主治修製並見活法機要

南星 半夏 天麻 寒水石 雄黃

白麵 生薑

右細末滴水丸桐子大煮熟生薑湯下

小黃丸

修製並見活法機要

黃芩 南星 半夏 生薑

右薑汁打糊為丸

定喘丸

治虛人咳嗽胸滿及鼻息音大喘行坐無時連年不
已或遠或近並能治之

人參

二錢半

南星

三錢

半夏

三錢

葶藶

半兩

右末之以生薑自然汁糊丸黍粒大每服三五丸
生薑湯下漸加亦可小兒服減丸數

二炒丹

治精滑夜夢鬼交洩出白液飲食少虛勞病或嘔或

吐

半夏

半斤

木猪苓

半斤

右先以猪苓去皮切作片子同炒微黃色半夏另為細末用陳米飯搜和為丸豌豆大風涼一夜次日將猪苓為粗末炒熱下丸子同炒稍乾為度乘熱以紙裹至冷用木盒子盛貯一法酒糊丸

消痰丸

細辛 桔梗 陳皮 旋覆花 神麴

枳實 半夏 茯苓 麥蘗 白朮

各等分

右為細末薑汁糊丸桐子大薑湯下三五十丸食後服

安和丸

治脫證虛弱嗽年老虛人尤宜服之

粟殼

二兩炒

陳皮

二兩

炙草

二錢半

一法加烏梅半兩為細末薑糊丸

玉芝丸 玉液丸

加生薑人參霍香名人參半夏丸

易簡參蘇飲

惺惺散

主治並見少陽柴胡例

仲景葶藶大棗瀉肺湯

治肺癰不得卧兼治支飲不得息

又見金匱

苦葶藶

炒香搗

大棗

二十枚

右丸如彈子大每用水三升大棗十枚煎二升化一丸再煎一升

三聖丸

治喘嗽而目微腫

甜苦二葶藶

右末棗肉為丸菴豆大每服三十九臨卧薑湯下

仲景猪膏丸

治少陰病下痢咽痛胸滿心煩邪氣自少陽經傳入
少陰客熱

右用猪膚一斤水一斗煮取五升去滓入白蜜一升

白粉五合熬香合相得分作六服

水畜入腎猪膚解
熱潤燥除煩粉以

益氣
斷利

仲景白通猪膽汁湯

四逆猪膽汁湯

並見仲景本經

仲景猪肚丸

白朮

四兩

牡蠣

燒研

苦參

二兩

右為細末猪肚一枚內藥末纏定煮軟熱切碎研泥成膏和丸桐子大每服三十丸米飲湯下

又猪肚黃連丸

見本草

錢氏香連丸

橘連丸

並見本草

猪肚丸

治官蒸唇紅頰赤氣粗口乾身壯熱多虛寒大便秘
小便赤食減少

鱉甲

醋炙
一兩

柴胡

一兩

木香

一兩

生地黄

一兩

青蒿

一兩

黃連

一兩

青皮

半兩

右為細末嫩大豬肚一枚入藥在內繫定蒸軟藥肚
仍碾勻可丸如菉豆大每服三十九丸米飲湯下食前
日三服忌熱物濕麪

補真丸一名大真丸

天門冬

三兩
去心

羊肉

三斤
去
筋膜

肉蓯蓉

六兩
去
粗皮

當歸

五兩
去蘆

右已上俱作片焙乾為末焙先將羊肉煮去羊血
水洗淨再煮至熟去綿細筋膜研爛再入無灰酒煮
至成膏入上項藥末及糯米粉子半斤再煮數十沸
至稠粘膏子為度再入下項藥

黃耆

六兩

遠志

白朮

二兩

赤茯苓

四兩

枸杞

二兩

沉香

半兩

神麴

五兩

乾山藥

二兩

右為細末入上件膏子內同和更入宿蒸餅麵十數兩搜和成劑至可丸即止丸如桐子大每服空心溫酒送下七八十至百丸

猪蹄湯

知母 貝母 牡蠣

右為細末猪蹄四箇慢火煮軟熟用調服三錢匕後滋味汁一碗投之少時熟蹄任意食用或先食蹄飽後服亦得

海藏評解利傷寒丸藥雜例

並見本方注後

玄胡丸

玄胡

兩半

青皮

兩半

陳皮

兩半

三稜

兩半

廣茂

當歸

乾薑

各半兩

雄黃

五錢另研細

右醋糊為丸酒亦得每服二三十九白湯下無時解

利內外傷

紫霜丸

治傷寒溫肚內夾冷食或因得汗身熱不除及變蒸

發熱日久不解飲食成癰俗呼為食迷風

代赭石

火煨醋
淬一兩

杏仁

五十箇去皮
尖麩炒另研

赤石脂

為末
一兩

巴豆

三十粒去皮
心油炒淬

右合碾勻湯浸蒸餅為丸黃米大小兒生三十日以外可一九一年二年可三九乳下米飲亦可

無名丸

解內
外傷

與四生丸例相似在半夏條下

代赭石

貫衆
一兩

自然銅

三兩三錢
醋淬九次

茯苓

一兩

寒水石

黑豆

去皮
四兩

右件通為細末水糊丸菴豆大每服三五十九薑湯下米飲亦得

無名丸料

寒水石

一兩洗粉

貫衆

末之三錢半

代赭石

火燒酒淬末三錢半

黑豆麴

去皮一兩

茯苓

末之三錢半

自然銅

酒淬七錢半末

右無名丸此藥不知來例別無解利味數止是貫衆治頭風有毒大抵解疫癘毒氣則效非若古法之分經也本草云代赭石苦甘寒治鬼疰賊風自然銅辛

平無毒療折傷散血止痛貫衆治頭風半夏治傷寒
寒熱巴豆辛溫主傷寒溫瘧寒熱豉煎亦解利右此
三藥雖云治傷寒只治因內感而發出者多效若外
感一日太陽受之不宜用此等之藥性者不可執此
以解利外傷此藥大抵只治內而不治外不能行經
若要行經非湯液不能也代赭石自然銅二味兼以
醋淬過煨以苦酒上火力同能上行故解利也若以
代赭石自然銅二石性論下行之體無疑更宜詳察

霜丸主治傷寒溫壯內夾冷食一句即知無名體也

天麻辰砂丸

治內傷

天麻

四兩

雄黃

半兩

硃砂

三錢

巴豆

半兩去油皮二百粒

右為細末每服三五丸白湯送下溫酒亦得食後蠟和丸黍米大

玄胡丸內有雄黃乾薑苦酒與此一體解利在厥陰門
木香檳榔例後

安先生傳易老解利二藥

狼毒 大戟 草烏頭

生各等分

右為末醋糊丸桐子大每服五七丸或十九丸溫水送

下

解利傷寒噤藥

乾山藥

一兩

藜蘆

連鬚一錢

右細末以紙然噉之

楊氏內解丸

芫花

紅藥子

各等分

右細末醋糊丸菴豆大溫水下二丸無時以葱白醋
米湯投之

四生丸

南星 半夏 芫花 自然銅

等分以上
皆生用之

右為細末醋打蕎麥糊為丸菴豆大如酒積痰飲胞
膈脹滿飲食不消每用五丸臨卧溫水下忌熱物如
傷寒時疾煎鼓湯下一十丸三服解如心氣大痛醋
湯下海藏云非湯液所用丸藥解利世多不同皆取

此例

拾遺

大腸泄 小腸泄 大瘕泄 飧泄 洞泄

寒中 寒濕 溏泄 泄瀉 濕淫

燥濕 濕熱 風濕 鶩溏 胃泄

脾泄 脫肛 臍毒 瘀血

凡此數條俱見湯液大法後

翻胃例

御醫楚侍藥白龍丸

治膈氣翻胃吐食大便結硬腸大便如常者不可服

半夏

三錢

輕粉

半錢

白麵

三錢

右挫末和勻水和作綦子或丸湯煮熟漉出放溫臨卧作一服生薑湯下取下燥糞核為度

生薑半夏湯

止嘔吐開胃消食

半夏

三錢
咬咀

生薑

三錢
切作片子

右量水多少煎至七分

鷄屎體散

治蠱脹旦食不能暮食不已

帝曰腹脹鼓脹可刺耶岐伯曰先泄其脹血絡後調其

經刺其血絡也

薑棗湯 此後二藥辛甘以助天五之氣

乾棗

去核一斤

甘草

三兩挫灰

生薑

五兩切片

右拌盆盛布蓋淹一宿焙乾為末每一盞入鹽少許

點服鹽二兩炒白另入藥

棗艾丸

補胃

乾棗

去核

熟艾

撫如棗核入棗中

右以綿纏定濕紙裹澆灰火內煨紙焦為度一日服
三箇空心細嚼溫酒下每日加一箇至九日後減一
箇以至三箇依前再加一箇三遭當進飲食也胃氣
壯即止不飲酒鹽湯下

太陰拾遺

肘後辨脾胃所傷變易形法

凡諸脾脉微洪傷苦澁物 微弦傷冷硬物

微澁傷辣辛物

微滑傷腥醎物

微遲傷冷痰積聚惡物

弦緊傷酸硬物

又主脾冷

微實主膈間有伏痰

或吐逆

洪緩傷甜爛物

緊惡膈間有硬積寒熱

單伏主物不消化

微浮胸中有小虫動

又主寒熱

單緊主胸中急痛

單弦主胸中氣聚喘促

單洪主寒熱吐不食

單滑主脾寒吐逆

單浮主男寒不進食

浮洪而數皆中酒

海藏所定脾脉一十七道安方大畧

傷苦澁物經云醎勝苦 傷辛辣物經云苦勝辛

傷醒醎物經云甘勝醎 傷酸硬物經云辛勝酸

傷甜爛物經云酸勝甘 傷冷硬物經云以克之冷

痰積聚惡物溫胃化痰膈間有伏痰或吐春夏吐之

秋冬導之

膈間有硬積寒熱溫化 胃中有小蟲檳榔之類物

不消化麴蘖三稜茂之類胃中急刺痛理中元之類

胃中氣聚喘促勻氣湯 寒熱吐逆不食橘皮半夏
白朮茯苓

脾寒吐逆枳實理中湯 胃寒不進食烏梅白朮浮
洪而數皆中酒葛根陳皮茯苓

金匱疾飲咳嗽病脉證治後代名醫所說皆取此為法
問曰夫飲有四何謂也師曰有痰飲有懸飲有溢飲有
支飲又問四飲何以為異師曰其人素盛今瘦水走
腸間漚漚有聲謂之痰飲 後水流在脅下欬唾引

痛謂之懸飲 飲水流下歸於四肢當汗出而不出

汗身體疼痛謂之溢飲 其人欬逆倚息短氣不得

卧其形如腫謂之支飲 水在心心下堅築築短氣

惡水不欲飲 水在脾吐涎沫欲飲水 水在脾少

氣身重 水在肝脅下支滿而痛 水在腎心悸

夫心者有留飲其人背寒冷大如手 留飲者脅下

痛引缺盆欬嗽則輒已作轉胸中有留飲其人短氣

而渴四肢歷節痛 脉沉者有留飲 膈上之病滿

喘嗽吐發則寒熱背疼腰疼目眩自汗出其人振振
身潤劇必有伏飲 夫病人卒飲水多必多暴喘亢
食少飲多水停心下甚者則悸微者氣短 脉反弦
者寒也皆大下後善虛脉偏弦者飲也 肺飲不弦
但苦喘短氣支飲亦喘不能卧加短氣其脉平也
病痰飲者當以溫藥治之 心下痰飲胸膈支滿目
眩 以茯苓桂白朮甘草湯主之方

茯苓

四兩

白朮

五兩

炙甘草

二兩

桂枝

去皮
三兩

右㕮咀以水六升煮取三升去滓分溫服作三服小
便則利夫氣短有微飲當從小便赤也亦以上藥主
之腎氣元亦主之

方見胸
氣論中

病者脉伏其人當自利利者反快雖利心下續堅滿
此為留飲欲去故也以甘草半夏湯主之方

甘遂

大者

半夏

二十枚溫水洗次用水
一升煮取半升去滓

芍藥

三枚

炙甘草

大者
一寸

右四味㕮咀水二升煮取半升去滓以蜜半斤和藥煎

取八合頓服之

夫病懸飲者十棗湯主之方

芫花

熬

甘遂

大戟

各等分

右三味搗篩以水一升五合熬大棗十枚煮取八分
去滓內藥強人一錢七弱人半錢平旦溫服之不可
者明日更加半錢下後糜粥以養之

病溢飲者當發其汗宜大青龍湯

麻黃

去節
六兩

桂枝

去麋皮
二兩

炙草

二兩

生薑

兩

石膏

小雞子
大細研

杏仁

四十枚
去皮尖

大棗

十枚
去核

右七味咬咀以水九升先煮麻黃減二升去上沫內諸藥煮取三升去滓溫服一升被覆令汗出汗者溫粉撲之一服汗出者勿再服若復服汗多出者亡陽逆虛惡風煩燥不得眠也

病溢飲者當發其汗小青龍湯主之方

方見肺痿論

膈間支飲其人喘滿心下痞堅面色黧黑其脉沉緊得之數十日醫吐下之不愈防已湯主之方

防已

三兩

桂枝

二兩

人參

四兩

石膏

雞子大十二枚

右四味咬咀以水六升煮取二升去滓分溫再服虛者即愈實者三日復愈如不愈者宜去石膏加茯苓芒硝湯方

防已

三兩

桂枝

三兩

人參

四兩

茯苓

四兩

芒硝

三合

右五味咬咀以水六升煮取二升去滓內芒硝再微煎分溫再服微利止

心下有交飲其人苦眩胃澤泄湯主之方

澤泄

五兩

白朮

二兩

右二味㕮咀以水二升煮取一升去滓分溫再服

支飲胸滿者厚朴大黃湯主之方

厚朴

一尺
去皮

大黃

六兩

枳實

四枚
熬

右三味㕮咀以水五升煮取二升去滓溫再服

支飲不得息葶藶大棗瀉肺湯主之方

嘔家本渴今反不渴心下有支飲㕮也小半夏湯主之

半夏

一升
洗

生薑

半斤各
切薄片

右以水七升煮取一升半去滓分溫再服

千金云半夏加茯苓

湯主之

腹滿口乾舌燥此腸間有水氣防已椒目葶藶大黃湯主之方

防已

椒目

葶藶

大黃

各一兩

右四味為末蜜和丸桐子大米飲服一丸日三服稍增口中有津液止渴者加芒硝半兩

卒嘔吐心下痞膈間有水眩悸者小半夏加茯苓湯主

之方

半夏

洗一斤

生薑

半斤

茯苓

三兩一方四兩

右咬咀水煎服

師曰以發其汗令陽微膈氣虛脉乃數數為客熱不能
消穀胃中虛冷故吐也脉弦者虛也胃氣無餘朝食
暮吐變為翻胃寒在於上醫反下之今脉反或名曰
虛寸口脉微而數則無氣無氣則胃虛胃虛則血不
足血不足則胸中冷跌陽脉浮而濇浮為虛濇則傷

脾脾傷則不磨朝食暮吐宿食不化名曰反脉浮而
瀉其病難治 病人欲吐者不可下之 噦而復滿
視其前後知何部不利利之則愈 嘔而胸滿者茱
萸湯主之方

吳茱萸

升一

人參

兩二

生薑

六兩切

大棗

二十枚劈

右四味咬咀以水五升煮取一升去滓溫服七合日
三則乾嘔吐涎沫頭痛者茱萸湯主之方

嘔而腸鳴心下痞者半夏瀉心湯主之方

半夏

三斤
湯泡

黃芩

人參

炙草

乾薑

切合
三兩

黃連

一兩

大棗

十二枚

右七味以水七升煮取六升去滓再煎服一升日三

服

乾嘔而利者黃芩加半夏生薑湯主之方

黃芩

三兩

炙草

三兩

半夏

半斤
洗

芍藥

三兩

大棗

十二枚

生薑

切兩
半

右咬咀水一斗煮取一升去滓分溫三服日二服夜

一服

諸嘔吐穀不得化下者小半夏湯主之方

方見痰飲中

嘔吐而病在膈上後思水者急與解之猪苓湯主之方

猪苓

去皮

白朮

茯苓

各等分

右咬咀水煎服

欬滿則止而復更渴衝氣復發者以細辛乾薑為熱藥
此法逐渴反不止者為支飲也支飲法當治胃胃冷
者必嘔水復與半夏以去其水方

茯苓

兩四

乾薑

兩三

五味子

斤半

細辛

兩三

炙草

兩三

半夏

湯洗七次
去半斤

右六味咬咀以水八升煮取三升分溫三服

水去嘔則止其人形腫可內麻黃以其欲逐痺故不內麻黃乃內杏仁也若逆而內麻黃者以人必厥所以然者為其血虛林黃發其陽故也

茯苓

兩四

乾薑

兩三

甘草

兩三

五味子

斤碎半

細辛

兩三

半夏

洗

杏仁

去皮尖
各半斤

右咬咀以水一斗煮取三升去滓溫又服

若面熱如醉狀者此為胃中熱上薰其面令熱加大黃

湯主之

茯苓

四兩

乾薑

二兩

細辛

二兩

大黃

三兩

半夏

洗

五味子

碎

甘草

炙

杏仁

去皮尖
各等分

右八味咬咀以水一斗煮取三升去滓分溫三服

並見

千金

方

先渴却嘔為水停心下此屬飲家小半夏加茯苓湯主

之方

金匱嘔噦下痢病脉證治後代名醫諸書半皆取此以
為法

夫嘔家有癰膿者不可治嘔膿盡則已 先嘔却渴此
為欲解先渴却嘔為水停心下此屬飲家嘔家本渴
今反不渴者以其心下有支飲故也此屬支飲 問
曰病人脉數數為熱當消穀引飲而反吐者何也師
曰以發其汗令陽微膈氣虛脉乃數云見前

假令病人臍下有悸者吐涎家而顛眩水也五苓散主

之方見
局方

如心胸有停飲酒宿水自出水後心胸中虛氣滿不能
食消痰氣今能食茯苓飲方附

茯苓

三兩

人參

二兩

枳實

二兩
炒

生薑

四兩

白朮

三兩

橘皮

二兩
半

右咬咀以水六升煮取一升八合去滓分溫三服如
人行八九里進之見外

臺

欬家其脉弦為有水十棗湯主之

方見上

夫有支飲家欬煩胸中痛者不卒死至一百日一歲與

十棗湯

久欬數歲其脉弱者可治實大數者死其

脉虛者必苦胃其人本有支飲在胸故也治屬飲家

欬逆倚息飲小青龍湯主之

方見肺癰中

青龍已下

多唾口燥寸沉尺微手足厥逆氣少復上衝胸咽手

足痺其人面赤如醉因復下溜陰股小便難時復冒

者可與桂枝五味子甘草湯治其氣衝方

茯苓

去皮 四兩

桂枝

去皮 四兩

炙草

三兩

五味子

半斤

右四味㕮咀用水八升煮取三升去滓分溫三服

衝氣即低而反更欬滿者茯苓五味子甘草去桂加乾

生薑細辛治之方

一名甘草五
味薑辛湯

茯苓

四兩

炙艸

三兩

細辛

三兩

五味子

半斤
碎

乾薑

三兩

右㕮咀水八升煮取三升去滓分溫三服

嘔吐而滿在膈上後思水者猪苓散主之方

見前

嘔而脉弱小便復利身有微熱見厥者難治四逆湯主之方

炙草

二兩

乾薑

一兩半切片

附子

一箇去皮切作片子用

右三味咬咀以水三升煮取一升三合去滓分溫再服強人可大附一枚乾薑三兩

嘔而發熱者小柴胡湯方

柴胡

人參

黃芩

生薑

煨三兩

炙草

半夏

大棗

一十枚去核

右七味咬咀水一斗二升煮取六升去滓再煎取三升溫服一升分三服

胃反嘔吐者大半夏湯主之方

亦主膈間支飲

半夏

洗用半斤

人參

切三兩

白蜜

一升

右三味以泉水一斗二升和蜜揚之二百四十徧煮

藥取二升半去滓溫服一升餘分再服

千金云治胃反不受食食

已即吐外臺云治

嘔心下痞硬者

食已即吐者大黃甘草湯主之方

大黃

兩四

炙草

兩二

右二味咬咀以水二升煮取一升去滓分溫再服

外臺

云又治
吐水

胃反吐而渴欲飲水者茯苓白朮澤瀉湯主之方

茯苓

斤半

澤瀉

兩四

桂枝

兩二
去皮

炙草

兩二

白朮

兩三

生薑

兩切四

右六味咬咀以水一斗煮取三升內澤瀉再煮取二

升半去滓溫服八合日二服

外臺外主消渴脉絕胃
反不食又有小麥一升

吐後渴欲得飲而貪水者文蛤湯主之方

兼主微脉緊頭

文蛤

五兩

麻黃

去節三兩

炙草

三兩

杏仁

五十枚去皮尖

石膏

五兩碎

生薑

三兩切

大棗

十二枚劈破

出愈

右七味咬咀以水六升煮取二升去滓溫服一升汗

乾嘔吐逆涎沫半夏生薑散主之方

半夏

洗

生薑

各等分

右二味杵為散取方寸匕漿水一升半煎取七合頓

服之

病人胸中似喘不喘似嘔不嘔似噦不噦澈心中憤憤然無奈者生薑汁半夏湯主之方

生薑汁

升一

半夏

洗半升

右二味咬咀以水三升煮半夏取二升内生薑汁煮取一升半去滓水冷分四服日三夜一若一服止停後服

乾嘔噦若手足厥冷者橘皮湯主之方

橘皮

四兩

生薑

右二味切以水七升煮取三升去滓溫服一升下咽

即愈

噦逆者橘皮竹茹湯主之方

橘皮

二升

竹茹

三升

大棗

三十枚

生薑

切半斤

人參

一兩

炙草


五兩

右六味咬咀以水一斗煮取三升去滓分服一升日

三服

右此痰飲嗽一章內有治傷寒數方仲景用治雜病
今余錄之使後人知云治傷寒有法治雜病有方者
非也傷寒雜病同一治矣

嘔吐噦亦附錄之下痢數方錄在太陰上卷後



醫壘元戎卷八